

Nā Haki Tēnei

nā Carol Buchanan

Amokura

He Whakatau

Me mātua pānui kia marama rawa koe ki ngā whārangi 8–14 o tēnei pukapuka.

He whakarāpopoto

Pānuitia te whakarāpopoto ki te ākonga. I haere a Haki ki te kura. He aha ngā mea i roto i te pēke a Haki?

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Kāore he tina a Haki. Whai ake me pēwhea ia? Mā wai ia e āwhina?

E mōhio ana te ākonga i ngā tikanga o ia taputapu? He tūru hei noho, te aha, te aha ...

He Matapaki

Tirohia te pai o te pānui a te ākonga

I te wā o te matapaki me pānui te ākonga te katoa, tētahi wāhanga noa iho rānei, o te pukapuka ki a koe. Kātahi ka:

- whakanui, āta tātari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e marama ana mā te whai i tētahi o ngā huarahi e whai ake nei:
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapai hoki, i te wā o te whakataki.



Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini kōpae puoro, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te kaupapa o tēnei pukapuka?
2. He aha ngā mea i roto i te pēke a Haki?
3. E hia ngā mea i roto i tana pēke?
4. He aha kei te ngaro i te pouaka kai?
5. He aha kei roto i tāu pēke?

Ngā whakautu ki ngā whakapuaki māramatanga

1. Ngā taputapu nā Haki.
2. He pānui, he pouaka kai, he pene rākau, me tētahi pukapuka.
3. E rima.
4. He kai.
5. He rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He tāutu i tētahi tikanga mahi.

He whakatakinga ā-roro, he whakaharatau

I mua i te pānui pukapuka, kohia ngā taputapu, ana, tuhia ngā kupu, ā, whakapiria ki ngā taputapu.

Kia oti i te ākonga te pānui pukapuka, kōrerotia, whakawaiwaitia hoki te rerenga kōrero “Nā wai tēnei _____?”

He aha ētahi atu kupu mō ngā tiriwā?

Matapakia ngā momo taputapu rerekē o te akomanga.